



MØTEPROTOKOLL

Utval: Formannskapet
Møtedato 20.08.2021
Møtetid: Kl. 11:00 - 13:00
Møtestad: Biblioteket på Bjørkheim

Av 9 medlemmer møtte 9, inkludert varamedlemmer.

Desse medlemmene møtte:	Parti:
Jon Magne Borgevik	Ap
Shirin Kvernes Khadoor	Ap
Knut Harald Frøland	Bl
Lena Tveit	Bl
Martin Haugen	Bl
Odd Arne Haga	Frp
Gunn Totland Moss	KrF
Øyvind Strømmen	MDG
Øyvind Røen	Sp

Møtenotater:

Andre som var til stades på møtet:

- Ingebjørg Vamråk, rådmann
- Marianne Soleng, avdelingsleiar servicesenteret
- Nina Erdal, økonomisjef
- Bodil H. Øpstebø, sektorleiar oppvekst

Merknad:

Sak 040/2021 og 041/2021 vart handsama i ekstramøte i formannskapet 23.08.2021 før protokollen frå møte 20.08.2021 vart ferdigstilt. Dette gjer til at dei to sakene som vart sette på sakskartet i møtet 20.08.2021, får saknummer 042/2021 og 043/2021.

Møteleiar:	Knut Harald Frøland
Møtesekretær:	Marianne Soleng

Desse sakene vart handsama:

Sakliste

Sak nr.	Arkivsak	Sakstittel	Merknad
038/2021	21/616	Faste saker	
039/2021	21/609	Endring av vedtekter for kommunale barnehagar	
042/2021	21/432	Konstituering i stilling som rådmann	
043/2021	21/141	Forskrift om fritak for smittekarantene - Samnanger kommune	

SAKNR. 038/2021: Faste saker

20.08.2021 Formannskapet:

Handsaming i møtet:

Godkjenning av innkalling og sakliste:

Ordførar Knut Harald Frøland (Bl) bad om å få inn to ekstrasaker på saklista. Det eine gjaldt sak om konstituering i stilling som rådmann. Ordførar hadde før møtet sendt ut informasjon i saka til medlemmane i formannskapet. Det andre gjaldt sak om forskrift om fritak for smittekarantene for Samnanger kommune. Formannskapet slutta seg til ønsket om å ta desse sakene inn på saklista.

Det var ingen andre merknader til innkallinga eller saklista.

Eventuelle merknader til protokoll frå førre møte:

Ingen merknader.

Rådmannen orienterer:

Ingen saker.

Ordføraren orienterer:

Folkevaldopplæring:

Det er planlagt folkevaldopplæring 16.09.2021 i forkant av det planlagde kommunestyremøte. Ein representant frå KS vert med denne dagen.

Budsjettprosessen 2021 og oppseiingar frå rådmann og økonomisjef:

Rådmannen har sagt opp stillinga si og skal slutte i kommunen i september. Økonomisjefen har sagt opp stillinga si og skal gå over i stillinga som rådgjevar ved økonomikontoret. Budsjettprosessen no i haust vil difor verta meir krevjande enn normalt. Den krevjande situasjonen er grunnen til at det vart kalla inn til eit ekstramøte i formannskapet 20.08.2021.

Formannskapet gjekk inn for å gjera vedtak i sak om konstituering i stillinga som rådmann. Sjå sak 042/2021.

Etter at vedtak i sak 042/2021 vart vedteke, fortsette drøftingane kring situasjonen i Samnanger kommune.

Odd Arne Haga (Frp) sette fram forslag om å suspendere rådmannen ut oppseingstida med løn i perioden. Ordførar, Knut Harald Frøland (Bl) bad så om gruppemøte. Etter gruppemøte trekte Odd Arne Haga framlegget sitt og sette fram nytt framlegg: *"Det vert stillingsstopp for utlyst stilling som konsulent for leiargruppa."*

Øyvind Strømmen (MDG) stilte spørsmål om i kva sak framlegget frå Odd Arne Haga (Frp) vart sett fram i. Ordførar bekrefta at dette ikkje var ei sak på sakskartet, og bad formannskapet om å ta stilling til om saka skulle takast inn på sakskartet.

Øyvind Strømmen (MDG), Shirin Kvernes Khadoor (A) og Jon Magne Bøgevik (A) viste til kommuneloven §11-3 siste ledd som seier *"På tilsvarende måte kan organet fatte vedtak i en sak der saksdokumentene ikke er sendt ut sammen med innkallingen, hvis ikke møtelederen eller 1/3 av de møtende medlemmene motsetter seg det."*

Dei tre representantane, som utgjør 1/3 av medlemmane i formannskapet på ni, motsette seg dette. Saka vart difor ikkje sett på sakskartet.

Øyvind Røen (Sp) bad om eit gruppemøte.

Etter gruppemøtet sette Odd Arne Haga (Frp) fram forslag om at det vert halde eit ekstramøte i formannskapet 23.08.2021 der utvalet skal vurdere om stillinga "konsulent for rådmannsgruppa" skal stoppast eller eventuelt utsetjast. Representantane i formannskapet diskuterte dette, og rådmannen fortalte om sine vurderingar og kvifor stillinga vart utlyst no før ho sluttar.

Odd Arne Haga (Frp) trekte forslaget sitt.

Ordførar Knut Harald Frøland (Bl) opplyste om at han ville vurdere om formannskapet skal kallast inn til eit ekstramøte der saka kan handsamast.

Utvalet sitt kvarter:

Status konsesjonskraft og straumprisar:

Odd Arne Haga (Frp) lurte på korleis dagens høge straumprisar påverkar Samnanger kommune sin økonomiske situasjon.

Økonomisjef Nina Erdal opplyser om at kommunen har ein prissikringsavtale som garanterer Samnanger ein minstepris for konsesjonskrafta som vert seld. Prisauken på straum i marknaden vil kommune tene på.

FORM- 038/2021 Vedtak:

Rådmannen sitt framlegg til vedtak:

- Møteinnkallinga og saklista vert godkjent.
- Orienterings-/referatsaker vert tekne til orientering.

SAKNR. 039/2021: Endring av vedtekter for kommunale barnehagar

20.08.2021 Formannskapet:

Handsaming i møtet:

Sektorleiar Bodil H. Øpstebø orienterte formannskapet sine medlemmar om saka og svarte på spørsmål.

Rådmannen sitt framlegg til vedtak vart samrøystes vedteke.

FORM- 039/2021 Vedtak:

Formannskapet godkjenner «Vedtekter for kommunale barnhagar i Samnanger kommune» slik dei ligg føre.

Rådmannen sitt framlegg til vedtak:

Formannskapet godkjenner «Vedtekter for kommunale barnhagar i Samnanger kommune» slik dei ligg føre.

SAKNR. 042/2021: Konstituering i stilling som rådmann

20.08.2021 Formannskapet:

Handsaming i møtet:

Formannskapet handsama denne saka som ein del av faste saker.

Medlemmane i formannskapet fekk torsdag ettermiddag tilsendt eit tilbod frå Agenda Kaupang. Agenda Kaupang har komme med tilbod som går ut på at ein av deira tilsette, Øystein Granheim, kan ta rolla som konstituert rådmann i Samnanger fram til rådmannen sitt budsjettforslaget er på plass hausten 2021.

Granheim har tidlegare vore tilsett som økonomisjef i Lier kommune (sju år), og har difor god erfaring med kommunalt budsjettarbeid.

Tilbodet frå Agenda Kaupang kom etter at ordførar tok kontakt med firmaet for å få tips om korleis budsjettprosessen i Samnanger kunne gjennomførast på best mogleg måte i denne krevjande situasjonen der rådmannen skal slutte og økonomisjefen går over i anna stilling.

Ordførar har vurdert det slik at det ikkje vil vera eit alternativ og påleggje ein av dei andre leiarane i kommunen å ta rolla som konstituert rådmann i tillegg til si eiga stilling.

Ordførar, Knut Harald Frøland (BI) sette fram følgjande framlegg til vedtak:

Øystein Granheim vert konstituert rådmann i Samnanger kommune etter tilbod frå Agenda Kaupang.

Det vart røysta over ordføraren sitt framlegg.

Framlegg til vedtak vart vedteke med 8 imot 1 røyst frå Jon Magne Bøgevik (A).

Formannskapet ønskjer at det vert sjekka ut om vedtaket og prosessen rundt er i tråd med reglane for innkjøp.

FORM- 042/2021 Vedtak:

Øystein Granheim vert konstituert rådmann i Samnanger kommune etter tilbod frå Agenda Kaupang

Rådmannen sitt framlegg til vedtak:

SAKNR. 043/2021: Forskrift om fritak for smittekarantene - Samnanger kommune

20.08.2021 Formannskapet:

Handsaming i møtet:

Rådmannen sitt utkast til forskrift var sendt ut til formannskapet sine medlemmar i byrjinga av møtet.

Det vart røysta over rådmannen sitt framlegg til vedtak.

Framlegget vart samrøystes vedteke.

FORM- 043/2021 Vedtak:

Forskrift om fritak for smittekarantene - Samnanger kommune vert vedteke slik den ligg føre.
Rådmannen får fullmakt til å gjera språklege rettingar.

Rådmannen sitt framlegg til vedtak: